

BE.343. JERUSALEM HO HUTA NA TIMBO (Eb=1)

=====

B.E. 343. JERUSALEM HO HUTA NA TIMBO

1. Jerusalem ho huta na timbo Anggiat au di ho
Masihol au huhut malungun do Sai naeng manopot ho
Dao sian laut nang tano Dao sian ombun i
Tu ginjang ni sudena Do borhat rohangki.

2. O ari na tumiur situtu Andigan tingkimi?
Asa disi marlasniroha au Pasahat tondingki
Tu tangan ni Debata Tu nampunasa i
Asa tongtong martua Di sambulona i.

3. Satongkin ma asa tondingkinon Mareak langit i
Molo manaek tumading na dison Tiur langkana i
Ai surusuruanNa disuru Jesus i
Mangabing di tanganNa Na tinobusNa i.

4. Jerusalem malungun au di ho Sai ungkap bahalmi
Mansai lelung masihol au di ho Tagan so borhat i
Dope au sian ngolu Na mansai dangol i
Tagan na so hujalo Dope tineanki.

5. Ai ise do sude na ro disan Torop marsangap be ?
I ma antong na monang i hian Na sian tano i
Naung sonang do nasida Huhut marsanggul be
Andorang dao huida Na naeng di au muse.

6. Kristen torop nang panurirang pe Nang angka ompu i
Najolo i do pinorsanna be Hau pinarsilang i
Nuaeng di haluaon Marhasangapon be
Nuaeng di hatiuron Huida sasude

7. Dung i muse dung sahat au tutu Bongot tu huta i
Debatangki ro di Jesusku pe Huida do disi
Disi pe timbul tua Gok las ni rohangki
Marende Haleluya Di na badia i.

8. Tole sude na rap marende do Luhut di surgo i
Hasapi pe ro di sarune i Dipalu do disi
Mamuji Debatanta Nang Tuhan Jesus i
Nang Tondi Parbadia Mambaen sangapNa i.

9. Ho ma tutu dituju rohangki O huta na timbo
Naung mahap do au on di tano i Naeng sahat au tu ho
Na naeng tadingkononku Na olo mago i
Asa pareahonku Parsambuloanki